

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ԺՈՂՈՎ ՄԱՅՐ ԱԹՈՒ Ս. ԷԶՄԻԱՄԻՆՈՒՄ

Սույն թվականի մարտի 31-ից ապրիլի 2-ը Մայր Աթոռ Սուրբ Էջմիածնում զուգարկեց Գերագույն Հոգևոր Խորհրդի հերթական լիագումար ժողովը՝ նախագահությամբ Ն.Ս.Օ.Տ.Տ. Գաբրելի Բ Ամենայն Հայոց Կաթողիկոսի:

Ժողովը բացվեց Տերունական աղոթքով և Նորին Սրբության ողջույնի ու բարեմաղթանքի խոսքով: Ժողովականներն աղոթք բարձրացրեցին առ Աստված ի Տեր հանգուցյալ ԳՀՆ անդամ և Եգիպտոսի հայոց թեմի առաջնորդ Ս. Զավեն արքեպիսկոպոս Չինչինյանի, Երուսաղեմի Սրբոց Հակոբյանց վանքի միաբաններ Ս. Կյուրեղ եպիսկոպոս Գաբիկյանի, Ս. Մանուել վարդապետ Երկաթյանի, Մեծի Տանն Կիլիկիո Կաթողիկոսության միաբաններ Ս. Մեսրոպ արքեպիսկոպոս Աջճյանի և Ս. Սահակ արքեպիսկոպոս Այվազյանի հոգիների հանգստության համար:

Օրակարգի և նախորդ ժողովի արձանագրության ընթերցումից ու հաստատումից հետո, արենապետությամբ ԳՀՆ երիցագույն անդամներ Ս. Վաչե արքեպիսկոպոս Հովսեփյանի և Ս. Գյուր արքեպիսկոպոս Նազգաշյանի, ժողովը քննության առավ ազգային-եկեղեցական կյանքին վերաբերող խնդիրներ:

Թեմական հարցերի շարքում Գերագույն Հոգևոր Խորհուրդը գոհունակությամբ արձանագրեց, որ Նոր Նախիջևանի և Ռուսաստանի հայոց թեմում սրբեղծված անցանկալի կացությունն այլևս վերացել է, և թեմը, զլիսավորությամբ առաջնորդ Ս. Եզրաս Եպիսկոպոս Ներսիսյանի, կազմակերպում է ազգային-եկեղեցական իր բնականոն կյանքը:

Այնուհետև հետևեց Արևմտյան Եվրոպայի Հայրապետական պարվիրակ և Փարիզի առաջնորդ Ս. Գյուր արքեպիսկոպոս Նազգաշյանի զեկույցը Ֆրանսիայում Հայ Եկեղեցու թեմական կառույցների վերակազմավորման մասին: Սրբազան Հայրը հայտնեց, որ կանոնադրությունը ներկայացված է Ամենայն Հայոց Հայրապետին առ ի փնտրիություն: Գերագույն Հոգևոր Խորհրդում Վեհափառ Հայրապետի առաջադրմամբ կանոնադրության ուսումնասիրման համար սրբեղծվեց հարուկ հանձնախումբ:

Գերագույն Հոգևոր Խորհրդում քննության առնվեց Մեծի Տանն Կիլիկիո Կաթողիկոսության կողմից Կանադայի հայոց թեմում հակականոնական թեմական զուգահեռ կառույց հաստատելու խնդիրը: Գերագույն Հոգևոր Խորհուրդն իր վերաբերմունքը խնդրի նկատմամբ արտահայտեց ընդունված հայտարարությամբ (տե՛ս ստորև):

Ժողովի ընթացքում քննարկվեցին եկող տարի Գրերի գյուրի 1600-ամյակի տոնակատարության և Եղեռնի 90-ամյակի տարելիցին նվիրված միջոցառումների կազմակերպական խնդիրներ: Որոշվեց մասնավոր հանդիսություններով նաև նշել Վազգեն Ա երջանկահիշարակ Կաթողիկոսի վախճանման 10-ամյա տարելիցը:

Ժողովի ավարտին ԳՀՆ անդամներն աղոթք բարձրացրեցին՝ հայցելով, որ Տերը խաղաղություն պարգևի Հայոց աշխարհին, սիրո, եղբայրության ու հաշտության մեջ հաստատուն պահի աշխարհափառ համայն հայ ժողովրդին՝ Փրկչի Հրաշափառ Հարության խորհրդով ընդառաջ գնալու Հայրենիքի զորացման և ժողովրդի բարօրության: